

OHAR INFORMATIBOA

EUSKO JAURLARITZAK KONTRATATUTAKO ASEGURUEN EZAUGARRIAK, ENPRESAKO PRESTAKUNTZA GAUZATZEN ARI DIREN LANBIDE HEZIKETA ESPEZIFIKOKO IKASLEENTZAKO

ISTRIPU-ASEGURUA ETA ERANTZUKIZUN ZIBILEKO ASEGURUA:

Horretarako ezarritako lehiaketa publikoari jarraikiz, Ogasun eta Finantzetako sailburuaren Ebazpenaren bitartez, Euskal Autonomia Erkidegoko administrazioak bere gain hartu du Eusko Jaurlaritzak kontratatutako aseguru osagarrien kostua, askotariko programatako ikasleen, bekadunen eta parte-hartzaileen istripu- eta erantzukizun zibileko arriskuak estaltzeko, praktikak edo bestelako jarduerak egiten ari direnean.

Aseguru horien baldintza orokorrak eta partikularrak, baita ezaugarri teknikoak eta zehaztapenak ere, aseguru-etxeak ditu, dagokien polizetan, interesdunek informazioa eskatzen dutenerako; halaber, Ogasun eta Finantza Saileko Arriskuak eta Aseguruak Kudeatzeko Zerbitzuan ere eskura daitezke.

Hala ere, laburpen modura, praktika- edo jarduera-proiektuetan parte hartzen duten bekadunak, ikasleak edo parte-hartzaileak eta enpresak edo entitateak informatzeko, aseguru horien ezaugarriei buruzko zenbait ohar adierazten dira jarraian.

ASEGURUEN IZAERA ETA TIPOLOGIA.

Aipatutako bi aseguruak hauek dira: A. ISTRIPU-ASEGURUAK.

B. ERANTZUKIZUN ZIBILEKO
ASEGURUAK.

Beraz, aseguru horiek ez daude lan-estalduraren barne, ez eta prestakuntza-lankidetzako hitzarmenak ere. Hori dela eta, ez dute estaldurarik soldaten galeragatik edo lortu gabeko irabaziengatik, ez loturarik batere Gizarte Segurantzaren estaldura osagarriekin.

Aseguru horiek Eusko Jaurlaritzak kontratatu izanak ez du aitortzen, ezta bermatzen ere, parte-hartzailea edo bekaduna legezko egoeran izango denik enpresan edo entitatean praktikak egin bitartean. Parte-hartzailearen edo bekadunaren egoera legalak ez du zerikusirik aseguru horiekin edo kontratatzailearekin.

A) **ISTRIPU-ASEGURUA.-** Aseguru horrek bekadunak, ikasleak edo parte-hartzaileak izandako istripu baten ondorioak estaltzen ditu. Hau da, aseguru horrek kalte-ordainak bermatzen ditu BAKARRIK KASU HAUETAKOREN BATEAN:

-Bekaduna, ikaslea edo parte-hartzailea heriotza.

-Ezintasun iraunkorra (sendaezina/konpenezina)

Absolutua

Maila hauetan: Osoa

Partziala (baremoaren arabera)

-Osasun-arreta (bakarrik istripuetan)

eta betiere, parte-hartzaileak, bekadunak edota kolaboratzaileak administrazioarekin sinatutako akordioan jasotako praktikak edo jarduera egiten dituen zentroan, enpresan edo lekuan gertatutako istripu baten ondorioz, praktikaldian bertan edo «in itinere»

Programako praktikaldia atzerrian egin behar bada, gainera, adostutako aldirako bidaiako laguntza-poliza bat ere formalizatuko da.

Poliza hori pertsonalizatua izango da. Hartara, Hezkuntza Sailak eskaera egin behar dio Ogasun eta Finantza Sailaren Ondare eta Kontratazio Zuzendaritzari, dagozkion kontratuak igor ditzan datu, ezaugarri eta baldintza guztiak beteta.

ISTRIPU-ASEGURUEN KALTE-ORDAINAK (ikus I. eranskina)

B) ERANTZUKIZUN ZIBILEKO ASEGURUA.-

Aseguru horrek praktikaldian edo jardunaldian bekadunari, ikasleari edo parte-hartzaileari egotz dakizkiokeen ondasunei edo hirugarrenei eragindako gorputz- edo material-kalteak eta galerak dakartzaten ONDORIO EKONOMIKOAK estaltzen ditu (aurrez ezarritako mugetara arte).

Poliza horrek ez du erabat salbuesten ikasleak edo parte-hartzaileak praktikak egiten dituen enpresak izan lezakeen erantzukizuna. Ondorioz, estaldura aurrez deskribatutako eremura mugatzen da, eta istripua irakaslearen edo enpresako langileen arduragabekeriaren ondorioz gertatzen bada, edo laneko segurtasun- eta higiene-araudia bete ez delako, ez da bermatuko estalduraren prestazioa.

-ERANTZUKIZUN ZIBILEKO ASEGURUAREN ESTALDURAK

Erantzukizun zibileko estaldura-bermearen gehieneko muga 1.750.000 €-koa izango da ezbeharreko, eta dagokion peritu-balorazioaren araberakoa, 5.000.000 €-ko urteko muga osagarriarekin.

EZBEHAR-KASUETAN AURKEZTU BEHARREKO DOKUMENTAZIOA

a) Istripu-aseguruan (bekadunarena/ikaslearena/parte-hartzailearena).

- Bekadunak, ikasleak edo parte-hartzaileak praktikak edo jarduerak egiten dituen lekuko arduradunaren txostena.
- Zentroko edo jardueraren zuzendariaren txostena.
- Kalte-ordainetan ordaindu beharreko fakturen kopia.
- Kaltetuaren NANaren kopia.
- Enpresaren IFKren kopia, etab., baldin eta kalte-ordainak aseguratuari edo osasun-arreta eman duen enpresari, instituzioari, osasun-zentroari eta abarri ordaintzen bazaizkio.
- Istripuaren larritasunaren edo behin betiko ondorioen ziurtagiri medikoa, kalte-ordainak eragiten badituzte.

Hil egingo balitz, aurrekoaz gain:

- Heriotza-ziurtagiria.
- Familia-liburuaren kopia.
- Azken borondateen ziurtagiria; testamentua egin izan balu, haren kopia. Testamenturik ez badago, polizaren baldintza orokorretan eta partikularretan xedatutakoa hartuko da aintzat.
- Oinordetzen eta dohaintzen gaineko zergaren likidazioaren ordainketa-gutuna (azken agiri hori aseguru-etxeak onuradunaren izaera egiaztatzeko ziurtagiria egin ostean izapidetuko da -aurrez adierazitako dokumentazioa egiaztatu eta gero-, eta bertan gehituko da dagokion foru-aldundiak likida dezan).

b) Erantzukizun zibileko aseguruan (hirugarrenei sortutako kalteak).

- Bekadunak, ikasleak edo parte-hartzaileak praktikak edo jarduerak egiten dituen lekuko arduradunaren txostena.
- Bekadunaren, ikaslearen edo parte-hartzailearen txostena, gertatutakoari buruzkoa.
- Zentroko edo jardueraren zuzendariaren txostena, alde biak egiaztatzeko eta bien bertsioa egiteko.
- Kaltetuaren edo haren lege-ordezkariaren erreklamazioa.
- Kaltetuaren NANaren kopia.
- Eskatutako zenbatekoaren banakapena eta fakturak.

OHARRA: IKASLEA, BEKADUNA EDO PARTE-HARTZAILEA ATXIKITA DAGOEN SAILAK JASOKO DU BI POLIZETAN BARNE HARTUTAKO EZBEHARREK ERAGINDAKO DOKUMENTAZIOA.

I. ERANSKINA. KALTE-ORDAINAK

<u>ISTRIPU-ASEGURUEN KALTE-ORDAINAK</u>		
a) Heriotzagatik		130.000 €
b) Ezintasun iraunkorragatik	ABSOLUTUA	150.000 €
	OSOA	
	PARTZIALA	(Baremoaren arabera)
C) Osasun-arreta (bakarrik istripuetan)		(**) (*) MUGATUA

(*) Prestazio hori 5 urtez emango da gehienez

() Medikuak eta ospitaleak hautatzeko**

askatasuna

- Estaldura-bateraezintasuna: Ezintasun guztiak bateraezinak dira bata bestearekin, hau da, ez dira ezintasun iraunkor absolutuaren edo baliaezintasun handiaren kapitalak erabateko ezintasun iraunkorraren kapitalekin metatzen, ez eta ezintasun iraunkor partzialaren edo ondorioen kapitalekin ere.

- Heriotza anitzeko estaldura: Istripu baten ondorioz, aseguraturia eta haren ohiko bikotekidea hiltzen badira, aseguru-etxeak kalte-ordain gehigarriak ordainduko ditu; berme horretarako kontratatutako kapitalaren berdina. Ordainketa bi gurasoak hil zaizkien umezurtzei egingo zaie, egoera hauetan:

- * 18 urtetik beherakoak badira.
- * Edozein lanetarako erabateko ezintasun osoa eta absolutua badute.

- Baliaezintasun handiagatik prestazioak.

* Aseguratutako etxea edo ibilgailua egokitzeko gastuak ordaintzea, baliaezintasun handiko kasuan, gehienez, 10.000 € (*)

(*) Obra-proiektua eta egindako gastuen faktura aurkeztu eta gero ordainduko da, eta, edonola ere, dagokion administrazioak emandako gehiegizko kaudimenaren maximo gisa.

* Gurpil-aulkia erosteko kapitala ordaintzea baliaezintasun handiko kasuan, gehienez, 10.000 € (*)

(*) Obra-proiektua eta egindako gastuen faktura aurkeztu eta gero ordainduko da, eta, edonola ere, dagokion administrazioak emandako gehiegizko kaudimenaren maximo gisa.

* Etxeko arreta-prestaziorako kapitala ordaintzea baliaezintasun handiko kasuan, gehienez, 10.000 € (*)

Laguntza protesikoa.

Fakturaren kostuaren % 80 ordainduko da, 12.000 € gehienez. Gorputz-atalen anputazioagatik, hortzeria galtzeagatik, entzumena galtzeagatik edo polizak estalitako istripu batek eragindako beste edozein protesirengatik izandako gastuak ordaintzeko erabiliko da diru hori.